

Fründe

Do wo ich deheime bi, do schtoht nit nur e Huus
Do schoht nit nur e Kinderbett, wo ich als dinne pfuus
Do wo ich deheime bi, do schtoht nit nur e Tisch
Do schtoht nit nur e Täller, wo mi Ässe dinne isch

Wo ich mi deheime ha, do hani mini Fründ
Und wo i keini Fründe ha, do ka i kei Deheime ha
Do wo ich deheime bi, do hani mini Fründ
Das weiss e jedes Kind

Wenn e gleine Eskimo in d Wüeschi müssti goh
Denn dät er sicher schwitze und e Huffe nit verschtoh
Unsre gleine Eskimo het Heiweh gha noch hei
Doch jetz kennt er Kinder dötte und isch nümm ellei

Wo ich mi deheime ha, do hani mini Fründ
Und wo i keini Fründe ha, do ka i kei Deheime ha
Do wo ich deheime bi, do hani mini Fründ
Das weiss e jedes Kind

Ein wo keini Fründe het, dä isch e arme Tropf
Dä isch wiene Blueme ohni Wurzle ohni Topf
Mensche sin wie Blueme, ganz egal, wohär si sin
De Mensche ihri Wurzle sin de Mensche ihri Fründ

Wo ich mi deheime ha, do hani mini Fründ
Und wo i keini Fründe ha, do ka i kei Deheime ha
Do wo ich deheime bi, do hani mini Fründ
Das weiss e jedes Kind

Aernschd Born
1985 | Kinderlied